

華陽縣志卷二十九

政績

蜀縣循吏載在簡編頌聲洋溢遺愛流連或崇學校或議賑蠲或修廢堰或返侵田蓉城花樹錦里琴絃丞哉不負尉也稱仙才思驥展秩喜鶯遷召父杜母

聖世多賢作政績志

知縣

宋

華陽縣志

卷二十九

政績

一

壬辰補刊

謝濤 知華陽縣時亂亡後田廬荒廢詔有能

占田而倍入租者與之於是腴田悉為豪右所

有流民至無所歸濤收詔書以田還其主

見舊通志

趙申錫 字純佑本故家子有美才數試吏以能

聞於人繇州縣三陟奉議郎知華陽縣華陽隸

成都其治直府城中央戶版夥繁訟筭紛委固

倍餘邑又與尹廷四五行臺纒連錯峙勢相關

制難於專達趙侯獨富風力敏功緒遇聾忍事

尤喜為之縣故有沙坎堰溉田三萬七百九十

畝頗沃美歲月猥深堰浸湮缺江流亦遷去田
因以廢侯訪遺迹按故道參校圖錄訂以耆舊
遂相地築堤不浹旬功告就醜灌如初民卽堰
側構堂圖侯像於其中

節錄宋楊天惠趙侯祠堂記○續增

吳昌裔 字季永中江人登嘉定進士調閩縣尉

運使曹彥約聞其賢俾司糴場調眉州教授講

明經學士習丕變制使崔與之薦知華陽修學

宮來四方士斥羨錢買良田備旱澇改眉州通

判後權漢州核兵籍興社倉郡政畢舉官至集

華陽縣志

卷二十九

政績

二

英殿修撰寶章閣待制致仕卒諡中肅著有蜀

鑑奏議諸書行於世

節錄宋史本傳○續增

明

王道成 甘肅蘭州人博學有才萬歷辛亥科進

士授華陽令平徭賦開水利政聲大著

見甘肅通志○續增

梁州彥 雲南人萬歷癸丑科進士知新繁縣當

路謂才浮於地尋調華陽百務俱興每大牒片

言而折以治行卓異稱

見雲南通志○續增

周希聖 零陵人進士筮仕華陽令平易近人待

士以禮詔入爲御史以蜀扇建言忤旨謫廣東

典史久之始起用

見舊通志

沈雲祚 字子凌太倉人崇正十三年進士除華

陽知縣獻賊寇蜀有奸民爲賊耳目雲祚設策

捕戮之賊破夔門成都大震走謁蜀王陳守禦

策不聽聞內江王至淥賢往說之至淥言於王

亦不聽及賊迫成都始出財佐軍已無及城陷

與御史劉之渤推官劉士斗俱幽於大慈寺絕

粒半月不死賊餽食誘之降雲祚躍起大罵曰

華陽縣志

卷二十九

政績

三

吾欲食賊肉耳豈食賊粟哉與二劉同遇害有

幼子荀蔚方五歲友人匿之山中得免越二十

年始歸

節錄明史稿並蜀碧○續增

國朝

葉新 字惟一江南金華人康熙庚子膺鄉薦

筮仕蜀中大吏奇其才檄權華陽驟膺繁劇之

任裕如也授仁壽令擢知瀘州洊升成都守新

爲文閱整明達好陸宣公奏議及左氏傳所著

有良堂詩文集

見仁壽縣志○續增

安洪德 山東聊城人倜儻有才智以拔貢知縣

事聽訟明敏案無留牘有盜高某擁巨貲與吏胥因緣爲奸人莫敢誰何洪德廉得其實會盜方宴客忽馳往搜捕於複壁間得贓無算遂置之法一邑稱快尤留意學校城東潛溪祠明宋濂墓在焉祀田八百畝久爲寺僧所據因廓清之改建書院延名宿聚英髦肄業其中文風大振好表章古蹟自爲文記之大書立石如培修關張衣冠墓及何公雙忠祠竝重建安順橋其

華陽縣志

卷二十九

政績

四

壬辰補刊

最著者也皆自出俸錢不勞民力政聲翕然擢瀘州牧至今人思慕之

者舊傳聞
○續增

賈廷彥 山西陽曲舉人乾隆庚寅授邑令操守

廉潔自奉甚約布衣蔬食士民化之日勤於治判牒至數百紙咸服其明允暇輒巡行村野問民疾苦人不知爲邑令也以陞擢去行李蕭然惟圖書數卷而已守龍安尤多善政循聲嘖嘖

爲當時冠

者舊傳聞
○續增

蔣兆奎 陝西渭南人乾隆丙戌進士以知縣用

性剛介不阿遇事敢言上游器之調邑令政尙
簡靜不事煩苛訟庭草滿有古循吏風公餘垂
簾讀書怡然自得幾忘其爲劇邑也修葺學宮
召集諸生講說文字孜孜不倦一時人材多所
成就官至山西巡撫

耆舊傳聞
續增

縣丞

宋

鄧應午 字明父新都人進士初爲高博尉時濱
卒近境人情洶洶應午督兵守禦乃定歲大疫

華陽縣志

卷二十九

政績

五

市藥散賑不遺餘力郡有疑獄一訊立辨嘗攝
令通泉芟吏弊免逋租後爲華陽丞亦有聲

見新

都縣志
續增

主簿 昔有
今無

宋

李 燾 字仁甫睢州丹稜人紹興八年擢進士
第調華陽簿再調雅州推官改秩知雙流縣仕
族張氏子居喪而爭產燾曰若忍墜先訓乎盍
歸思之三日復來迄悔艾無訟又有不白其母

而鬻產者燾寘之理豪強歛迹燾性剛大特立
獨行張栻嘗曰李仁甫如霜松雪柏官至敷文
閣學士致仕卒諡文簡累贈太師溫國公著有
長編諸書節錄宋史本
傳○續增

縣尉昔有
今無

宋

陳薦字彥升邢州沙河人登進士第爲華陽
尉有盜殺人棄尸民田薦出驗有以移尸告者
田主又殺其母縣欲文致二人以道薦失盜之

華陽縣志

卷二十九

政績

六

責薦不可曰焉有誣人以自貴者耶已而獲盜
從韓琦定州河東幕府薦木彊簡澹琦深知之
每語人曰廉於進勇於退嫌疑間毫髮不處與
人交久而不變如彥升者無幾也薦爲祕閣校
理判登聞檢院官至資政殿學士屢求退提舉

崇福宮卒

節錄宋史本
傳○續增